

# Игитунни гъанбиркахъули

Февральла 20-личиб Сергокчалала ванзаличиб Россияла Игитунни гъанбиркахъули багъишлабарибси форум-фестиваль бетерхур. Ил бехибхъес гъалаб, районна Бекла заместитель Гялмамд Гялихъажиевли Мяхъякъалализибад баклибти гялхли, ДР-ла Халкъла Собраниелизбиси гилмула ва багъудила шайчибси комитетла Председатель Елена Ивановна Павличенко ва ДР-ла культурала министрла заместитель, ил Министерствозибиси республика халкъла пагъмуртала Юртла директор Марита Велиховна Мугадова районна центрлизирти сагадешуначил, цабуглаван районна Администрацияла мякълабси парклизирти районлантас бамсри ихъахъес аклахъубти къулайти, ишхелелила шагъуртазиртаци мешудикести шуртлрарчил тянишбариб. Кинайс, Г.Гялихъажиев, районна багъудила ва культурала Управлениебала начальникуни Х.Гисавачил, З.Магъдиевачил, районна халатала Советла председатель Мяхъяммадсалам Мяхъяммадовличил варх, Сергокчалала центральный парклизибиси, ва Сергокчалала клиибил школализибиси Россияла Игитунни Мяхъяммад Нурбяхъяндовлис глшадтурти памятникуначи мицирти вавни кадихъес бякъун. Дигеслири памятникла мякълаб къарауичи кабузурли ил школала «Юноармейциби» лебни. М.Нурбяхъяндовла памятникличи вавни кадихъес баклибти-ургав ишхелели Украинала Запорожьела областлизиб, СВО-ла бутлакъячичил барх Россияла Ярагладарибти Цакъаназиб къуллукъбуриули, камси заманали Дагъистайзи вакибси сергокчалалан Ибра-



гъим Мяхъяммадгялиевич Хъямидовра леври. Россияла Пачалихъла Дума-ла депутат Нурбяхъянд Нурбяхъяндовла, ДР-ла культурала Министерствозла, ДР-ла Халкъла Собраниела гилмула ва багъудила шайчибси комитетла, районна культурала Центрла сипталичибли дурабуркулуси Россияла Игитунни гъанбиркахъули хасбарибси, ил форум-фестивальлис бехибхъуд Сергокчалала ванзаличиб, М. Нурбяхъяндов аклубти мер-му-

буткакъяндеш дирули дийни – вики Г.Гялихъажиев, - Россияла Игитуннала дуглилизибнушани ишхелели ишаб пахруличил гъанбиркахъулра Нурмяхъяммад Хъажимяхъяммадов, Эсед Абачев, Энвер Набиев, Руслан Къурбанова ва Исрафил Мяхъяммадов. Нушаниван, Ватланира илдаци пахру бирули саби. Гялмамд Гялихъажиевли заллизи чукуркибти лебилра челякъуси байрамличил, Ватлан балтахантала Бархиличил мубаракбариб. Цалабикибтаци мубаракла дугъабачил дугъабизурти Елена Павличенко, Марита Мугадовани сунезив Россияла Игитунни Мяхъяммад Нурбяхъяндов учули калунси школала лебилра коллективлис, ил аклубси шилис, айкъурти белглас баркаллала дугъаи дуриб. Цалабикибтала гъалар гъайрухъунси школала директор Индира Мяхъяммадсаягидовна Гябдуряхъимовани форум-фестивальла бутлакъянчибас, республикализибид баклибти гялхлас илгъуна хъумхлертеси балбуцлис бехибхъуд Россияла Игитунни М.Нурбяхъяндов учули калунси школализиб кадихъилис баркалла багъахъур. М.Нурбяхъяндовла у бихуси школала бучантани Игитуннас багъишладарибти назмурти делчун. Школала бучанти Россияла Игитуннала суратуначил сценаличи дурабурхун. Цалабикибтала гъалав СВО-ла бутлакъянчи Ибрагъим Хъямидов гъайхъес дурав-хъунхелели, илис лебилра разили гъунибаиб. Форум-фестивальличи баклибти СВО-ла гурра верхелшад бутлакъянчи лебри. И.Хъямидовлисван, илар лебтасалра ДР-ла культурала Минис-

терствозла Дипломти ва дурхъати савгъатуни дедибтири. Цалабикибти Игитуннас хасдарибти далуйтачил разибари республикала пачалихъла филармонияла гяртист Вайсул Жалиловли, операла ва балетла далайчи Денис Федоренко, Новолакла районнизивадси Рафик Сулайбановли, Сергокчалала культурала Центризисби «Дубурлантис» далайчибала къукъяли, Буйнакъскла районнизивадси мурул адамтала хорли, Лавашла районнизивадси Мавлият Тагъевани, Махъямрамкентла районнизивадси ашут Айдул Мяхъяммадовли, Буйнакъскла районнизивадси Зоя Чунаевани, Избербашлизивадси Саида Мяхъяммадовани, Дагъиста халкъла гяртист Мухсин Камаловли, Сергокчалализивадси Элмира Ибрагъимовани, Мяхъякъалализивадси Алина Барановани, Дагъиста операла ва балетла гяртист Белек Гяббасовли, ДР-ла Халкъла пагъмуртала Юртлизисби урусла далуйтала ансамбльли. Херсбиклутас гялхлизур Сергокчалала искусствозла школала «Хазар» ансамбльли миллатласи делхъла сцена. Ишаб наб декларли гъанбушес дигахъира районна культурала Центрла хъячизар, пагъмучевси далайчи Мяхъяммад Лукъмановли делчунти далуйтачила. Илин сценаличир зайдухъахъунти О.Газмановла «Офицеры» далайличи ва М.Нурбяхъяндовлис багъишладарибси «Дузеная, узби» далайличи разибкибти, лехихъути бахъли хъатбикули калун. Фестивальла лебилра бутлакъянчи Дагъистан Республикала культурала Министерствозла Дипломтачил ва грамотабачил шабагъатлабарибтири.

*Х.Амирчупанов*

## Февральла 21 – халкъани-ургабси нешла мезанала Бархли

### Нешла мез – нушала давла

Февральла 21-личиб районна библиотекала жузи дучантала заллизиб нешла мез мяхкамдарили чеалкити наслубас калахъулис, илди давлачердиклахъули, гъаладяхи дашахъулис, гъамрулизиб чула хурмат-къимат ва къадри чеахъдиклахъулила мурадличи каили дихъулис хасбарибси республикала къадрила балбуц бетерхур. Илис республикала къадрила или виклес хъулчи леб, сенакленну библиотекала заллизи цалабикибти республикала цархилили районти-шагъуртазибад баклибти, нешла мезличи, илдала ишхелелила ва жагъялла бархилила челякълала къисматличи уркли изути бахъал адамти лебри. Баркалла биаб чус, ил балбуц бехибхъудличибад ахирличи бикайчи леблеб ункъли бузахъусири районна библиотекала жигарчегти хъанчизарти Асият Хъажиевани ва Рашидат Лукъмановани. Хъера сен жагали зайдиклулил илдани нешла мезличила дурути, назмула тахтализиб кадерхахъурти ишди гьертгити дугъби: Нешла дев – дурхъал давла, Нушаб белгта батурси, Нушаб нана хлуиван Мяхкамбарес хъяжатси Нешла мез – гъамрула рухл, Ну мицирли вихлути, Гъамрулис гъякъулдичил Наб букъурли даибти. - Хурматла гъалмагъуни, - буриб балбуц бикутани, цалабикибтаци дугъабилзули, - Ишбархли нуша иша цаладилра ишбархилилизиб нушани даргала жамагъяличи белглар имцалии челукъусили бетаурси, нешла мез деткайхъуниличил бархбасунси, ил хлебахъести хъяжатти къайгъначила масъалала черкад гъарилли уркли-гъаргити пикруми дурес. Февральла 21-личиб, 2000 ибил дусличибид бехибхъули, дунъяла халкъанани, гъар дуслизиб нешла мез мяхкамдирнила мурадличил дурабуркулуси, иш байрамла Бархли, нушанира райо-

на библиотекализиб тинтлти дурабурклес хъяракат бирулра. Ашкарливан, нешла мезанала Бархли миллатлати мезанала къадри-къимат, илдала дурхъадеш ахъдучес, гъамрулизир илди пайдаладирниличил пикри имцалибахъулила мурадличил аклахъубси саби. Библиотекализиб дурабуркулуси дарган мезлис, илала къисматлис ва челякълалис хасбарибси, ил балбуц дунъяла машгурти гъайла устназивад цали ветаруси, нушала дагъистанлан, чевяхъли ва пасихъли поэт, Ленинская премияла лауреат, Социалист бузерила Игит, дахъал улкназив ункъли валуси, сунела назмуртала жузачибли дунъяличиб Дубуртар Улка машгурбарибси, биштласи Цадала шилизив аклубси, халаси улкала белглар чебкибти, пагъмукар поэтуназивад ца – Расул Хъяматов аклубси бархила, ил 100 дус виънила байрам дурабуркулуси заманализиб бетерхули биъни вецнаили ва даршнали дигесили бетаурли саби, сенакленну илис дахъ дигахъи сунела нешла дурхъати мез! Хъера сейклулил Расул, нешла мезла челякълалачила пикрумазив: «Нагагъ, жагъял дила мез Баласли кункадицини, Хъядурлира ну вебкес Ишбархли, гъелахъевхъи». Цалабикибтала гъалав гъайулхъули, нешла мезличила сунела пикри буриб бахъличи асар барибси, дарган мезлис хасбарибси назмула автор, районна культурала Центрла хъанчизар Ибрагъим Гялибековли. - Ахлерти гъалмагъуни, дарган мез диганти! – рикли илар гъайрухъунси, шалгъебухъунси дуслизир дарган мез руркъулис хасбарибси республикала конкурсличир чедиркибси, Сергокчалала цаибил школала нешла мезла мугъяллим Элмира Мяхъяммадова, - Ишбархли, дила пикрили, нешла мезличила масъала иша цала-

бикибтазибад, нешла мезла къисматличи пикрибиклутала ил урклиличи челукъутизабад цали бетаурли саби. Буруливан, нешла мез хелдуси адам – мякъи-хъячми агарси галгаличи мешуиркур. Гъамрула бехибхъудлис хъулчи агарсила, ахирра хайрилласили биэс хлебарар. Ишбархилилизир нушаб илцадрагъизити даргала мезлергер хлейгеси агиличир сари. Вар-

личил передачаби дурадурклес хъяжатли саби. Гъанбиркули бургар хлушаб гъар бархли савли Сергокчалализибси радиолити лехихъутачи «Гъайбиклули саби Сергокчалала. Делхлунрав гъалмагъуни» или умуги дарган мезличил Муъминат Ибрагъимована дугъарилзули. Баркалла биаб чус, ишбархли нушачи баклили, Даргала Гъамарла Батрайла уличилси Пача-



хелданилис гъийиб нуни белг гъалабси яргализиб белгитачил, хаслира чула аклубтачил урус мезли гъайбиклути нешаначиб чебиулра. Бахъли хъумуртули саби нешла мезла дурхъадешличила. Илди ассес ва дицес хлейрар, дурхъати мургъи-арциличил цугдучесра хлейрар. Адамтани мискинбухъелели, дучи давла чурбухъахъес бирар, амма мез чардарес вирхлейрар. Ватлан аклахъес вирар, мез деткахъалли, илди сагадарес хлейрар. Мез деткахъалли – миллатра беткайхъур. Дигеси анцбукъли бетаурли саби иш дуслизир Даргала театр аклахъубхлейчирад 60 дус диркули дийни. Наб иш белклизир баркалалачил гъандушес дигахъира нешла мезла къисматличила чула пикри бурули гъайбухъунти, ил театрла гяртистуни Мухтар Нуховла, Салимат Шагъимандаровла, Хлузаймат Ибрагъимовала ва цархилтала уми. Нешла мезла хлекълизир багалати пикруми дурибтири Хлурхъила шила администрацияла бекл Мажид Гисаевли, районна культурала Центрла хъанчизар Элмира Ибрагъимовани, районна Бекла заместитель Баркакади Мажидовли ва цархилтани. Цалабикибтала гъалаб гъайбухъунти нешла мезличила бурути чула пикруми далуйтачил, назмуртачил чедицахъиб. Загъидат Мусаевани, Минатуллагъ Хлусейновли, Рашидат Исмягъиловани, Гябдусмада Гялиевли, Хлузаймат Ибрагъимовани ва Хасбулат Рахмановли. «Халкъла белглар халаси давла – илдала нешла мез сари» – виклусири М.А.Шолохов. Дучленая жузи, газетаби, журналти, дигахъеная хлушала нешла мез, гъайдикленая илдалачил. Даргантачил нешла мез Цадалги наб дигулра, Мез гъарахъдиркухъели Ну децли къацурцулра.

*Х.Амирчупанов*